

A hoc adiuncto, quod nullus ipsorum contendendum de papatu, in ipso concilio ut papa præsideat; quinimmo ut tanto liberius & citius ecclesia unico & indubitato pastore gaudeat, sint ipsi omnes de papatu contendentes, postquam ipsum concilium inceptum fuerit, auctoritate huius synodi ipso iure ab administratione suspensi, nec eis aut eorum alteri, donec causa ipsa per concilium terminata fuerit, quomodo libet a quoquam sub pœna fautoriæ schismatis obediatur. Quod si forte electionem Romani pontificis per metum (qui caderet in constantem uirum) seu impressionem de cætero fieri contingat, ipsum decernimus nullius efficaciam uel momentum, nec posse per sequentem consensum, etiam metu prædicto cessante, ratificari uel approbari; non tamen liceat cardinalibus ad aliam electionem procedere, nisi ille sic electus forte renunciet, uel decedat, donec per generale concilium de electione illa fuerit iudicatum. Et si procedant, nulla sit electio ipso iure, sintq; secundo eligentes quod electus (si ipse papatu se ingesserit) omni dignitate & statu etiam cardinalatus & pontificali ipso iure priuati, & inhabiles de cætero ad eosdem, ac etiam ad papalem. Nec etiam in aliquo eidem secundo electo, ut papa sub pœna fautoriæ schismatis obediatur quoquo modo; & eo casu concilium de electione papæ prouideat illa uice, sed liceat, imò teneantur electores omnes, aut maior pars ipsorum, quàm cito sine personarum periculo poterunt (etiam si periculum omnium bonorum immincat) transferre se ad locum tutum, & metum prædictum allegare coram notarijs publicis & notabilibus personis ac multitudine populi in loco insigni, ita tamen quod allegantes metum huiusmodi, habeant in ipsius metus allegatione exprimere speciem & qualitatem dicti metus, & iurare solenniter, quod metus taliter allegatus sit uerus, & credunt se ipsum posse probare, & quod per malitiam seu calumniam huiusmodi metum non proponunt, nec ultra proximum futurum concilium ullo modo possit differri allegatio dicti metus. Teneantur insuper postquam se transfulerint, & metum allegauerint, modo prædicto prouocare sic electum ad concilium, quod concilium si ultra annum pendeat à die prouocationis huiusmodi, intelligatur ad annum, ut supra, ipso iure terminus breuiatus. Et nihilominus electus ipse sub pœnis prædictis & cardinales prouocantes sub pœna amissionis cardinalatus & omnium beneficiorum suorum, quam ipso facto incurrant, infra mensem à die prouocationis concilium ipsum (ut supra dicitur) indicere & publicare, & quàm citius poterunt inuolare, ac cardinales ipsi cæteri q; electores ad locum concilij tempore convenienti personaliter se transferre, & usque ad finem causæ expectare. Teneantur quoque prælati cæteri q;, ut supra, ad conuocationem cardinalium tantum, si forte sic electus conuocare cessaret, accedere, qui sic electus, in concilio ipso non præsideat, quinimmo sit à termino inuitandi concilij ipso iure ab omni administratione papatus suspensus, nec sibi à quoquam sub pœna fautoriæ schismatis quomodolibet obediatur. Quod si infra annum ante diem indicti concilij contingant supradicti casus, uidelicet quod plures gerant se pro papa, uel quod unus per metum uel impressionem eligatur, censeantur ipso iure tam se gerentes pro papa, quàm electus per metum seu impressionem, & cardinales ad dictum concilium prouocati, teneanturque in ipso concilio comparere personaliter, causam exponere, & iudicium concilij expectare. Sed si dictis casibus occurrerint, contingat forte casus aliquis, quo necessarium sit locum concilij mutare, ut obsidionis, guerræ aut pestis uel similis, teneantur nihilominus tam omnes supradicti quàm omnes prælati cæteri q; quoad concilium ire teneantur, ad locum proximiorum (ut præmittitur) qui sit habilis ad concilium, conuenire. Possitq; maior pars prælatorum, q; infra mensem ad locum certum declinauerint, illum sibi & alijs pro loco concilij deputare. Concilium autem (ut præfertur) conuocatum & congregatum, de huiusmodi schismatis causa cognoscens, & in contumacia electorum seu gerentium se pro papa uel cardinalium (si forte venire neglexerint) litem dirimat, atque causam diffinat, ac culpabiles in schismate procurando seu nus